

問歸結不許一槩擅提有悞操備其該營揀選之際
務要事出至公不許徇私乘機將精壯之人一槩提
作老疾選退以致奸頑得計軍政齊馳罪有攸歸如
此庶使兵政脩舉京操得人奏奉
聖旨是欽此

在外問刑衙門遇有失機將師不許牽合律意
坐罪望高之人

一件申明律令事成化八年六月內迭延緩等處
右副都御史余 奏該刑部等衙門尚書等官陸
等題稱在外問刑衙門有以守邊將帥守備不
設以致損軍及被賊侵入境內擄掠人口者勉強
牽合俱以望高之人死罪坐之帥將置之不問是
使失機悞事之徒得以帰罪於下人不合律意等
因奏奉

憲宗皇帝聖旨照舊問擬為是欽此